

Radyo an Norvys

(<http://www.dasunys.net/podcast.htm>)

Titel: Nowodhow an seythun (19/02/08)

Auctour: Matthew Clarke

Dydh: 19 Hwevrer 2008

Pesyans: 5:42

Den ha benyn veu selwys dhiworth aga harr-tan an seythun yw passyes wosa an karr dhe goedha dhiworth an fordh a-der-dro Penndinas, ha tira war droes an alsyow.

Warlergh kows an kreslu, feusik fest ens nag ens ledhys y'n droglamm.

Kemmerys ens dhe'n klavji yn askell-dro.

**

Yth esa tardh ha tan orth is-gorsav tredan ogas dhe Druru dy' Gwener y'n myttin.

An tanlu veu gelwys dhe'n tyller yn nans ogas dhe Benn an Vownder Verr.

An is-gorsav ma a serv rann vras a Gernow West, hag yth esa aswa pur verr y'n froesyans pan dardhas.

Nyns o pystigys denvith.

**

Skorenn Gernewek An Guntelles Keltek a synsas hy Huntellyans Kemmyn Blydhenyek dhe'n bennseythun, yn Kresenn Kernow, Rysrudh.

Chons o a vires war-dhe-lergh dhe warlyna pan veu synsys yn Kernow an kuntellyans Keswlasek.

Sewen fest o dhe Drenmogh.

Byttegyns, chons o ynwedh rag mires war-rag dhe'n keth hwarvos hevlyna yn Kembra.

Synsys vydh mis Gortheren dhe Aberystwyth.

Ledyores an Skorenn Gernewek yw Denise Chubb...

<clip>

An Guntelles a glywes keffrys dhiworth Anne Trevenen Jenkin a-dro dhe alow skoedhyans dhiworth Breten Vyghan.

Y fydh resek synsys hevlyna rag kavoes arghans rag an skolyow Diwan.

An skolyow ma a dhysk fleghes der Vretonek.

My a wovynnas orth myrgh Anne, Loveday Jenkin, a-dro dhe'n hwarvos alusenek ma...

<clip>

Mar mynnowgh skoedhya an hwarvos ma dre ri arghans, y hyllir kestava orth Anne.